

Менам чужанинӧй

Ме радейта ассыым чужан муӧс, сы вӧсна мый тані эм озыр вӧр – ва да уна мукӧдтор. Вӧрын быдмӧ уна тшак:еджыд гоб, вагоб, гӧрд гоб, ельдӧг... Быд гожӧм ме да Дима вокӧй вотам оз. Вӧрын быдмӧ и уна пӧлӧс тусь: чӧд, чӧдлач, пув. Чӧдсьыс пуам варенньӧ. Пув да турипув кынтам, тӧвнас кутам пуны наысь морс. Гӧрд сэтӧрысь мамӧ пуӧ компот тӧв кежлӧ. Жар лунъясӧ ми ветлӧдлам купайтчыны Эжва ю бокӧ став котырӧн. Сэні вӧчам лыаысь карьяс, юам чай бутербродӧн. Быд гожӧм жӧ ме ветлӧдла видлыны папӧс Помӧздін сиктӧ. Ӧшынь улын ми неважӧн вӧчим пӧвйысь крут чой. Тӧвнас ставным ислясям сэні пӧльтан дадь вылын. Мукӧддырйиыс ӧртъяскӧд ислясям лызь вылын. Тайӧ зэв гажа да коланатор. Тулыснас гажа видзӧдны, кызд кывтӧ йи Эжва ю вылын, кывзыны, кызди сьылӧні лӧбачьяс. Тулыснас жӧ йӧзыс пуктӧны картофел, морков, свеклӧ, ӧгурцы да мича дзоридзьяс. Арнас пуясыс пасьталӧны зэв мича паськӧм.

Миян посӧлокын эм клуб. Быд гаж дырйи миянӧс сэні гажӧдӧны. Рытнас клубӧ воӧны уна йӧз. Сьылӧны – йӧктӧны зонпосни котыр «Янтарики» да ыджыдьяслӧн котыр «Югыд кодзув». Уна сэні теш да серам петкӧдлӧны видзӧдысьяслы.

Регыд воас медся ыджыд гаж – Выль во. Быд керкаӧ пуктасны коз. Кутас сійӧ ӧзйыны мича бияснас. Кӧдзыд Пӧль ваяс челядьлы юмов козин. Телевизор пыр президент Путин чолӧмалас став войтырсӧ тайӧ гажнас. А миян котырным кутас лӧдзны салют.

Ми вокъяскӧд пока дзоляӧсь на. Дамиан ветлӧдлӧ садикӧ. А ме да Дима велӧдчам школаын. Дима толькӧ на велӧдчӧ лыддысьны да гижасьны, а менам урокьяс сьӧкыджыкӧсь нин. Медся радейтана предмет- математика. Кор ме быдма- муна армияӧ. Сійӧ менӧ енмӧдас да крепыдмӧдас. Ме ӧд кӧсья лоны пӧжарнӧйӧн. Тайӧ сьӧкыд да кывкутана удж. Ковмас дорйыны йӧзӧс, кусӧдны би. Но тайӧ лоӧ оз на аски. А ӧні ме пока ичӧт на, но кӧсья

вӧчны мыйкӧ буртор аслам Шӧръяг посёлкы. Ӧд ме тані чужи, тані ола, да
кута дыр на овны. Ӧд менам чужан муӧй – менам съӧлӧмшӧрӧй!